



Rogaland fylkeskommune
Postboks 130
4001 Stavanger
Att.Tor Gabrielsen

Kontakt saksbehandlar
Einar Heegaard, 51568872

Tillatelse til å fjerne trafikkfarlig tre på Mossige

Statsforvaltaren i Rogaland gir med heimel i § 48 etter naturmangfaldlova løyve til å hogge eit bjørketre som stod i fare for å velte over fv. 505. Tiltaket vil ikkje være i strid med vernevedtakets føremål og ikkje påverke verneverdiane nemneverdig, og tiltaket er gjennomført med omsyn til tryggleik på ein sterkt trafikkert bilveg.

Statsforvaltaren sett som vilkår at stokken blir tilbydt som ved til grunneigar, jf. § 5 punkt 4 i forskrift.

Klage

Dette er eit enkeltvedtak som kan klagast til Miljødirektoratet innan 3 veker, jf. §§ 28 og 29 i forvaltningslova. Ein eventuell klage skal adresserast Miljødirektoratet, men sendast via Statsforvaltaren i Rogaland.

Me viser til e-post korrespondanse (01.02.2022 og 02.06.2022) og telefonsamtale der det kommer fram at treet som i førstninga vart omsøkt fjerna nå har ramla over vegen og er fjerna.

Treet stod i kant av bilveg med ein klar krenning inn mot vegbanen. Treet verkar vitalt, men er i ein slik posisjon at det kan utgjere ein fare for biltrafikk.

Heimelsgrunnlag

Føremålet med Mossige naturreservat er å bevare ein blæbær-eikeskog med fragmentar av lågurt-eikeskog og alm-lindeskog, jf. § 3 i forskrift om freding av Mossige naturreservat, Time kommune, Rogaland.

I reglane for verneområdet er det eit forbod mot å skade eller øydelegge vegetasjon, inklusiv daude buskar og tre, jf. § 4 punkt 1.

Tiltaket omsøkt er ikkje omfatta av unnataka som følgjer reglane, jf. § 5.

Difor vil Statsforvaltaren vurdere tiltaket opp mot § 48, dispensasjon frå vernevedtak, i naturmangfaldlova (nml). For å kunne vurdere ei dispensasjon etter § 48 i naturmangfaldlova må



tiltaket: i) ikkje strid mot vernevedtakets føremål og ii) ikkje påverke verneverdiane nemneverdig, eller om det er av omsyn til tryggleik naudsynt.

Statsforvaltaren vil vurdere vedtak i samsvar med prinsippa for offentlege avgjere i §§ 8 til 12, jf. § 7 i nml.

Vurdering

Kunnskapsgrunnlaget, § 8 i nml:

Kunnskapsgrunnlaget for naturverdiane i verneområdet er godt dokumentert gjennom verneprosess, og seinare synfaringar og kartlegging av naturtypar i verneområda. Føremålet med vernet er å ta vare på eikedominert skog på ulikt markslag.

Eit uttak av ein bjørk i kant av skogen vil ikkje påverke skogsdynamikken vesentleg, og vil ikkje påverke naturverdiane eller føremålet nemneverdig.

Tilstanden til treet verkar å ha vore vitalt, men det står med ein god heling over vegbanen. Treet er rota rett på innsida av grensemerket. Av trafikkale omsyn er det ein klar fare for tryggleik dersom treet skal fale over vegbanen.

Føre-var-prinsippet, § 9 i nml:

Kunnskapsgrunnlaget både med omsyn til naturverdiane og samfunnstryggleik er vurdert som god, og dermed er det ikkje naudsynt å ta i bruk føre-var-prinsippet.

Økosystemtilnærming og samla belastning, § 10:

Den samla belastninga av å fjerne ei bjørk vert vurdert som minimal.

Kostand ved miljøforringing § 11:

Me gjer tiltakshavar merksam på at dei er ansvarleg for eventuelle kostandar tiltaket medfører for å hindre eller avgrense skade på naturmangfald.

Miljøforsvarlege teknikkar og driftsmetode, jf. §12:

Tiltaket er allereie gjennomført.

Konklusjon

Tiltaket som er gjennomført er i strid med vernereglane, men det er ein opning for å gi dispensasjon frå vernereglane i samsvar med § 48 i naturmangfaldlova. Statsforvaltaren har vurdert at tiltaket ikkje er i strid med verneføremålet og påverkar ikkje verneverdiane nemneverdig. I tillegg så er tiltaket naudsynt med omsyn til tryggleik for ferdsel langs fv. 505.

Statsforvaltaren gir dermed, med heimel i § 48, dispensasjon frå vernereglane for å ta ut ei identifisert bjørk, som heller ut over vegen.

Statsforvaltaren viser til forskrift § 5 punkt 4. og tiltakshavar må tilby stokken som ved til grunneigar.

Med helsing

Cathrine Stabel Eltervåg (e.f.)
ass. fylkesmiljøvernssjef

Einar Heegaard
fagleiar natur



Dokumentet er elektronisk godkjent

Kopi til:

Miljødirektoratet

Postboks 5672 Sluppen

7485

TRONDHEIM